



# MiNT Whitepaper

## Мэдэгдэл

Энэхүү Whitepaper буюу Техник, технологи, Эдийн засгийн үндэслэл нь Минт койн болон биржтэй холбогдох бүхий л мэдээллийг тусгаагаагүй болно.


Мөн технологи болон хууль эрх зүйн орчны өөрчлөлт, шаардлагаар уг ТТЭЗҮ-д өөрчлөлт орж болно.

Уг ТТЭЗҮ болон бусад холбоо бүхий вэбсайтад нийтэлсэн, ашигласан мэдээлэл, материалууд нь зөвхөн мэдээлэл өгөх зорилготой болно. Энэ баримт бичгийн агуулгыг санхүүгийн зөвлөгөө гэж үзэж болохгүй бөгөөд та өөрийн гаргасан санхүүгийн шийдвэрт өөрөө хариуцлага хүлээнэ гэдгийг анхаарна уу.

Энэхүү танилцуулга нь аливаа хэлбэрээр GDT-ыг худалдан авахыг санал болгох, уриалах зорилго агуулаагүй бөгөөд тус танилцуулгатай уншиж танилцсанаар талууд хооронд ямарваа эрх зүйн харилцаа үүсэхгүй болно.

## Оршил

Хүн төрөлхтөн өөрийн хөгжлийн төвшин бүрт ямар нэг зүйлийг үнэлж, хадгалах, шилжүүлэх, хөрөнгө оруулах хэрэгсэлтэй байсаар ирсэн. Бидний үзэж байгаагаар виртуал валют, блокчэйн дээр суурилсан бусад төрлийн үйлчилгээнүүд нь одоогийн уламжлалт төвлөрсөн санхүүгийн системээс хавь илүү юм.



Алт болон бусад үнэт металын хувьд урт хугацаанд хадгалах боломжтой, хуурбарлах, дахин үйлдвэрлэх боломжгүй, нийтээр хүлээн зөвшөөрөгдсөн гэх зэрэг шинж чанар нь зах зээлд эрэлтийг бий болгож, тодорхой үнэлэмж тогтоогдсон байдаг. Блокчэйн дээр суурилсан виртуал хөрөнгүүдийн хувьд ч гэсэн дээрх шинж чанаруудыг агуулж буй тул олон нийтэд хүлээн зөвшөөрөгдөж, үнэлэх үнэлэмж нь өдөр ирэх тусам өсч байна. Үүнээс гадна олон улсын хил хязгаарт баригддаггүй, шилжүүлэх болон хадгалах өртөг бага, цаг хугацааны хоцрогдолгүй гэх зэрэг олон давуу талууд байгаа юм. Гэхдээ виртуал хөрөнгийн хөгжил дөнгөж эхэлж байгаа бөгөөд хойш нь татах сул талууд ч гэсэн байна. Жишээ нь:

1. Үнийн савалгаа их
2. Технологийн мэдлэггүй хүмүүст хэрэглэхэд төвөгтэй
3. Хөрөнгө оруулагч нарын хувьд зах зээл нь хангалттай том биш
4. Бохир мөнгө угаах хэрэгсэл болох боломжтой г.м

Сүүлийн жилүүдэд виртуал хөрөнгийн чадамж, хэрэглээг дэлхий нийтээр таньж, хүлээн зөвшөөрч эхэлсэнтэй холбоотой Биткойн, Этериум зэрэг койнуудын үнэ их хэмжээгээр өссөн. Үүнтэй зэрэгцэн тухайн виртуал хөрөнгийн үнэлгээг виртуал орчинд үнэлж, хөрвүүлж болдог байх зайлсгүй шаардлага гарч ирсэн бөгөөд стейблкойн (stablecoin)-ууд нь уг асуудлыг шийдэх түлхүүр нь болсон юм.


Уг токений төрөл нь зах зээлийн эрэлт, нийлүүлэлтийн зарчмаар үнэ нь хэлбэлзэхийн оронд тус стейблкойнтой холбосон ямарваа нэг хөрөнгө, нэгжийн үнэтэй үргэлж тэнцүү байдгаараа онцлог юм.

Хамгийн алдартай, өргөн хэрэглэгддэг стейблкойны жишээ нь USDT, BUSD, USDC зэрэг койнууд байна. Эдгээр койнууд нь бүгд америк доллартай холбосон байдаг бөгөөд тус тусын блокчэйн дээр нэг ширхэг койн нь ямагт нэг америк доллартай тэнцүү байх зохицуулалттайгаар бүтээгдсэн бөгөөд виртуал орчинд арилжааны шилжүүлэг, үнэлгээний гол хэрэгсэл болон хөгжиж байна. Мөн улс орнуудын валютаас гадна алт, мөнгө гэх мэт үнэт метал, ямар нэг компанийн хувьцаа зэрэгтэй уягдсан койн, токenuуд ч үүсч байгаа юм. Эдгээр койнууд нь блокчэйн тус бүрийн хязгаарт баригдалгүй өөр хоорондоо чөлөөтэй хөрвөдөг, гуравдагч этгээдээр дамжихгүй болсон.

Дэлхийн томоохон улс орнууд ч гэсэн виртуал хөрөнгийн чадамжийг үнэлж эхэлсэн. Жишээ нь Эл Салвадор улс үндэсний мөнгөн тэмдэгтээр Биткойныг хүлээн зөвшөөрсөн явдал юм. Мөн Хятад улс И-Юаны хөтөлбөрийн хүрээнд Шинжэнь, Шанхай зэрэг хотуудад нэвтрүүлж эхлээд байна. Улсын хэмжээнд нэвтрүүлэх эсэх нь цаг хугацааны асуудал болжээ.

Стейблкойны хамгийн том дэвшилт нь харилцагч талуудын итгэлцлийн асуудлыг шийдэж өгч байгаа нь юм. Тухайн стэйблкойныг худалдан авагч эсвэл хэрэглэгч нь эргэн тухайн койныг холбоотой бодит хөрөнгөөр нь сольж чадах итгэл байгаа учир виртуал орчин хадгалах, солилцох боломж үүсч байна. Мөн дараах давуу талуудыг дурьдах шаардлагатай:

1. Орон зай, цаг хугацааны хязгаар байхгүй
2. Гуравдагч этгээдээр дамжихгүй
3. Талуудын эрх ашиг урьдчилан бичигдсэн кодоор баталгаажсан
4. Ханшийн эрсдэл учрахгүй
5. Тогтвортой бөгөөд аюулгүй




Монгол улсын хууль тогтоомжуудын дагуу үндэсний мөнгөн тэмдэгтийг зөвхөн ТӨГРӨГ байхаар зааж өгсөн байдаг. Гэвч таны түрүүвчин дэх төгрөг блокчэйн орчинд шууд хөрвөх, шилжүүлэг хийх боломжгүй юм.

MiNT стейблкойн нь уг асуудлыг шийдэх зорилготой бөгөөд Mint виртуал хөрөнгийн бирж, NFT худалдааны орчинд ашиглагдах гол төлбөрийн хэрэгсэл болох юм.

1₮ = 1MiNT





Хэрэглээний алхамууд:

1-р алхам: Хэрэглэгч Mint болон бусад биржүүдийн тусламжтай төгрөгөө шилжүүлнэ. Тухайн мөнгөн дүн дахин өөр зүйлд зарцуулагдахгүйгээр баталгааны санд байршина.

2-р алхам: Мөнгөн дүнд таарсан 1:1 харьцах MiNT блокчэйн дээр үүсч хэрэглэгчийн Wallet-нд орно.

3-р алхам: Хэрэглэгч бусад руу шилжүүлэх, бараа үйлчилгээ, бусад төрлийн койн худалдан авах зэрэг өөрийн хүссэн хэрэглээндээ ашиглана.

4-р алхам: Өөрийн хүссэн үедээ эзэмшиж буй MiNT-ээ сан руу буцаан өгч төгрөг болгон авч болно.

5-р алхам: Төгрөгөө буцаан авна.